



+ Cc. 300. ^{Qu.} ad (?) fehlt Reg. Gg.

B. A. 77. II. 37

Mit 16 Beibänden.

30/6 91



Pohn b. II. 913-928



7
D. ANDREAE

OSIANDRI

Sacrae Theologiae in Schola Regio
montana Prussiae, Primarij
Professoris,

DISPUTATIO

NES DVÆ.

VNA,

DE LEGE ET EVAN-
GELIO, HABITA NO-

nis Aprilis. 1549.

ALTERA,

DE IVSTIFICATIO-

NE, HABITA 9. CAL.

Nouembris. 1550.

Math. IX.

Portae inferorum non præualebunt
aduersus eam.

Regiomonte Prussiae

✻ 1550. ✻



Dno M. Lupo dandi

A

ANDREAS OSIANDER.

Lectori salutem.

Compertum habeo, quod quidā apud Saxones, et superiores germanos, fortassis etiā alibi, de iustificatione parum sobrie sentientes, ut suos errores tegant ac defendant, mihi recte de ea docenti, quasi erranti obstrepere & obtrektare non erubescant, hac potissimum fiducia freti, quod sperent me tam longe submotum, nunquam certū quicquam, de ipsorum calumnijs cogniturum. Quibus refutandis has duas disputationes denuo inuulgavi, ut si eas dissimulauerint, ac nihil contra in lucem ediderint, calumniae ipsorum omnem apud bonos fidem repente amittant. Sin autem contra scribere ausi fuerint, facile illis ora Deo adiuuante obstruam, quicumque et quanticumque tandem fuerint. Paratus enim sum, hanc synceram & coelestem doctrinam, non solum contra simios, & apostatas, uerum etiā contra portas inferorum defendere. Nemo igitur bonus & pius, illorum obtrektationibus moueri debet, donec sua probarint, & mea legitime confutarint. Quod facient ad Calendas grācas. Vale.

Pol. 6, 4, 913

818.436

D. ANDREAE
OSIANDRI SACRÆ
THEOLOGIÆ IN SCHOLÆ
la Regiomontana Prussiæ Pri-
marij professoris,

DISPUTATIO
DE LEGE ET EVAN-
GELIO, HABITA NONIS
aprilibus Anno 1549.



FIDELIS SERMO ET
omni acceptione dignus, qd
Christus Iesus uenit in hunc
mundum peccatores saluos
facere.

1. Timo. 1.

2. Ita enim iam tum ab origine mundi
promissum fuit a Deo, cum diceret, semen
mulieris conteret caput serpentis.

Genesis 3.

3. Omnes autem peccauerunt & egent
gloria Dei.

Rhoma. 3.

4. Verum tamen nullus omnino peccas
tor adultus saluatur nisi egerit pœnitentiã.

Luc. 13.

5. Impœnitens enim cor thesaurizat sibi

Rhomano. 1.

A ñ iram,

iram, indie iræ & reuelationis iusti iudiciij
Dei.

6. Pœnitentia autem uera, est agnitio &
detestatio peccati, cum desyderio emenda-
tionis, & spe ueniæ a Deo consequendæ.

7. Porro peccatum non agnoscitur, nisi
cognoscatur.

Psalm 8.

8. Cognitio autem peccati exacta, supra
captum humanæ rationis est, dicente Da-
uide, Delicta quis intelligit?

Rhoma. 3.

9. Ideo post promissionem, lex data est,
quia per legem cognitio peccati.

10. Lex autem est doctrina diuinitus tra-
dita, ostendens nobis, quales esse, quidq; fa-
cere atq; omittere debeamus, inobedientia
bus maledictionem denunciatis.

Gala. 3.

11. Hæc lex si posset uiuificare, uere ex le-
ge esset iusticia.

Habac. 2.

Rhomano. 1.

Ephes. 2.

Colossen. 2.

12. Nemo enim iustificatur quin simul &
uiuificetur, cum iustus ex fide uiuat.

13. Peccatores autem nondum iustificati,
mortui sunt delictis.

14. Quos cum lex uiuificare non possit,
nec iustificare quidem potest, eo quod pec-
catum coram Deo neq; tollere neq; cohis-
bere ualeat.

15. Necessè est igitur legē in alium usum
latam esse, q̃ ut iustificet.

Quat

16. Quatuor autem precipue S. Paulus legi tribuit. Primum, quod peccatum ostendat. Secundum, quod eidem occasionem prebeat, ut fiat supra modum peccans peccatum. Tertium quod iram operetur. Quartum, quod sit pedagogus noster in Christum

17. Duplex autem peccati genus nobis ostenditur per legem. Actuale scilicet & originale.

18. Peccatum actuale, est commissum seu omisum contra legem Dei.

19. Peccatum originale, est carentia iusticie originalis, debitæ inesse.

20. Iusticia uero Originalis, fuit fiducia erga Deum, tam ex factis, quam ex uerbis eius concepta, non modo perfectam tranquillitatem in rectitudine potentiarum animæ efficiens, uerum & spiritum Dei hauriens, unde Adam etiam prophetauit.

Genesis 2.
Matthei 19.

21. Sed quam diu nulla tentatione exercitata, nec per uictoriam tentationis confirmata fuit, Adam ab ea excidere potuit.

22. Vnde manifestum est, iusticiam originale, & iusticiam fidei, eiusdem esse generis.

23. Duplici item ratione lex peccatum nobis ostendit, nempe quod non solum peccatum sit, uerum etiam quod & nobis insit.

A iij Nam

24. Nam cum dicit (exempli causa) Non occidas, Non concupiscas, &c. non solum homicidium & concupiscentiam, ut peccata condemnat, uerum etiam nos, quibus loquitur, ut iracundiæ & concupiscentiæ obnoxios accusat, id quod & in alijs decalogi præceptis similiter intelligendum est.

1. Timo. 1.

25. Iusto enim non est posita lex.

26. Iam si peccator, peccatum sic ostensum compescere, & suis ad huc se uiribus legi satisfacere posse confidit, experietur peccatum supra modum fieri peccans peccatum per mandatum.

27. Ac tum demum serio sentit irā Dei in maledictione, uicissimq; irascitur legi, et per consequens etiam legislatori.

28. Hinc manifestum fit, non solum nos omnes esse natura peccatores, uerum etiam legem contra peccatum nullum afferre uel remedium uel auxilium, sed peccatum potius excitare & exacerbare, illicq; uirtutem, ut sit ministerium mortis & condemnationis suppeditare. Nam uirtus peccati lex.

1. Cor. 15.

29. Et ita conclusit scriptura omnia sub peccato, ut promissio ex fide Christi detur credentibus.

Gala. 3.

Gala. 3.

30. Interim tamen lex, externa pædagogia etiam

etiam inuitos aliquo modo in officio continet, & in Christum qui finis legis est, respicere docet, tam promissiones quam typos illum ostendentes, & adumbrantes, nobis proponendo.

31. Promissione autem in Paradiso semel facta, & deinceps patribus iterum atque iterum, ac subinde clarius repetita, quum uenit plenitudo temporis, misit Deus filium suum, factum ex muliere, factum sub lege, ut eos qui sub lege erant redimeret. Gala. 4.

32. Est igitur Iesus Christus Dei Filius, uerus Deus, de Deo patre ab æterno genitus, & cum eodem in unitate Spiritus sancti, unus & idem Deus.

33. Est & idem semen mulieris, factus ex muliere, absque commercio uiri, Spiritu sancto superueniente, & uirtute altissimi obumbrante conceptus, & natus ex Maria uirgine, absque peccato, qui antiquo serpenti caput contriuit.

34. Talis enim decebat, ut esset mediator dei et hominum, deus et homo Christus Iesus

35. Qui peccata nostra in corpore suo pertulit, legem & omnem iustitiam pro nobis adimpleuit, pro transgressoribus orauit, & exauditus est pro sua reuerentia, patremque nobis placatum reddidit. Itaque

Luc. ultimo 36. Itaq; iam poenitentia & remissio peccatorum in nomine Christi praedicantur in omnibus gentibus.

Marc. ultimo 37. Et qui crediderit & baptizatus fuerit saluus erit.

Rhoma. 4. 38. Craedenti enim fides reputatur ad iusticiam.

Rhoma. 3. 39. Igitur fide iustificamur.

40. Porro iustificandi uerbum dupliciter in scripturis accipitur, Significat enim ex impio facere iustum. Et iusti iusticiam uel testimonio, uel sententia definitiua comprobare, Nos hic in priore significato accipimus.

Rho. 1. & 3. 41. Cum autem scriptura uarie de iustificatione loquatur (Nam iusticiam Dei per Euangelium reuelari. Et fidem ad iusticiam reputari. Et nos fide iustificari. Et Christum iusticiam nostram esse dicit) tum proprijsi me loquitur, cum dicit, iusticiam Dei per Euangelium reuelari. Nam iusticia Christi, quæ eadem est & iusticia Dei per Euangelium nobis offertur, & credentibus in eum imputatur.

24. Aequè proprie dicit, nos fide iustificari. Nam fide, eam iustitiam apprehendimus.

Fides

43. Fides autem non simpliciter, sed propter obiectum suum, qui Christus est, reputatur ad iusticiam, per synecdochen.

44. Eodem modo Christus dicitur iusticia nostra, quia omnis uera iusticia in eo & ex eo est.

Iere. 2. 3.
33.

I. Cor I

45. Qui credit in Christum, in Christo est, & Christus in eo, sicut dixit. Ego in eis, & tu pater in me.

Iohan. 17.

46. Qui habet Christum, habet et patrem & Spiritum sanctum, habet iusticiam Dei, & uitam æternam.

47. Christo autem per fidem in nobis inhabitante, regnum Dei intra nos est.

48. Regnum autem Dei est iusticia, pax, & gaudium in Spiritu sancto.

Rhom. 14.

49. In quo, qui perseuerauerit usque in finem, hic saluus erit.

FINIS.

B

Disputatio

DISPVATIO DE IVSTIFICA- TIONE.

Habita 9. Cal. Nouembris. 1550.

Galat. 3.

1. Sanctus Paulus, quum ad Galatas in-
quit, si data esset Lex, quæ posset uiui-
ficare, uere ex Lege esset iusticia, totam ius-
tificationis nostræ uim, breuissime simul et
absolutissime complexus est.

2. Nihil enim iustificat, quod non & ui-
uificet. Nihilq; uicissim uiuificat, quod non
simul etiam iustificet.

Hab. 2.

Rom. 1.

Galat. 3.

3. Ita ut recte dicamur iustificari fide,
Quia iustus fide uiuit.

4. Iustificare enim propria et primaria in-
stitutione, significat ex impio iustum facere,
hoc est, mortuum ad uitam reuocare.

Rom. 3.

5. Id quod proprium opus est omnipos-
tentia, sapientia, & bonitatis diuinæ, non
minus quam creare.

6. Transfertur tamen sæpe ad aliam sig-
nificationem, in qua idem ualet, quod ius-
tum existimare, confiteri, testari, uel pro-
nunciare.

Lex

7. Lex autem peccatum ostendens, & Rom. 7.
Rom. 4
2. Cor. 3.
iram operans, cum ministerium sit mortis,
tantum abest a iustificandi efficacia, quan-
tum mors abest ab ipsa uita.

8. Non loquimur autē hic, de uita & morte
te corporis, sed de uita & morte animæ.

9. Anima enim ut peccato dominante
mortua est, ita Christo per fidem inhabi-
tante uiuit.

10. Fidem autem uocamus, non carnalem
humanæ mentis assensum, quo cuius quid
uis credimus, sed motum spirituale, quem
Deus per uerbum prædicatum, & spiritum Colos. 2.
suum sanctum, in cordibus nostris excitat,
ut in Iesum Christum filium eius unigeni-
tum credamus.

11. Et hæc fides recte describitur ad he- Hebre. 11.
bræos. Quod sit hypostasis rerum speran-
darum, argumentum non apparentium,

12. Facile autem sobrie philosophantibus
concedimus, hanc fidem esse qualitatem,
modo ipsi nobis uicissim concedant, non
esse physicam, aut Aristotelicam, sed super-
naturalem, diuinitus in nobis excitatam.

13. Nec eosdem reprehendimus, cum di-
cunt eam relatiue sese habere ad uerbum
Euangelij, cum recte intellectum non nihil
lucis afferre queat.

B ij Obie

14. 9.

14. Obiectum enim fidei, ad quod & fides refertur, est Iesus Christus, Dei & Mariæ filius, per uerbum Euangelij nobis oblatum & donatus, fideq; a nobis apprehensus,

15. 1.

15. Et sicut seruus qui dicitur, cum dominum non habeat, reuera seruus non est. Ita fides quæ Christum non apprehendit, complectitur, & possidet, reuera Christiana fides non est, sed assensus carnalis, uel ex sanguinibus, uel ex uoluntate carnis, uel ex uoluntate uiri ortum habens.

16. Quare fides iustificans in sacris literis, semper intelligenda est per Synecdochen, ut scilicet includat obiectum suum, dominum nostrum Iesum Christum.

17. 23.

17. Sicut enim Regius Propheta Calicem suum uocat inebriantem, cum non calix ipse, sed uinum in calice contentum, possit inebriare. Ita scriptura sacra, uocat fidem iustificantem, cum tamen non fides, sed Christus fide comprehensus, possit uiuificare & iustificare.

18. 1.

18. Ipse enim factus est nobis a Deo, Sapientia, iustitia, sanctificatio & redemptio.

19. Hinc magna fiducia et constanter asserimus, fidem neq; qua qualitas est, neq; qua
relatio

relatio, necque qua eximia uirtus, necque ulla sua
dignitate, nos iustificare, sed tantum qua ob-
iectum suum Christum apprehendit, & nos
bis unit.

20. Fides itaque corda nostra preparans *Actorum 15.*
& purificans, iustificat accipiendo & possi- *Rom. 3.*
dendo, Deus autem iustus & iustificans eum
qui est ex fide Iesu Christi, iustificat, iustitiam
suam nobis in Christo donando & con-
ferendo.

21. Cum enim duplex iustitia sit, Dei scilicet
& hominum, fide, non hanc humanam,
sed illam Dei iustitiam apprehendimus.

22. Quae non ideo tantum dicitur iustitia
Dei, quod coram Deo ualeat & accepta
sit, sed quod reuera est iustitia Dei. Nempe
Domini nostri Iesu Christi, qui est Deus be- *Rom. 9.*
nedictus in secula, amen.

23. Dominus enim de caelo prospexit, *Psalm. 13. et 53*
super filios hominum, ut uideat si est intel- *Rom. 3.*
ligens aut requirens Deum.

24. Verum non est iustus quisquam, aut *ibidem*
intelligens, aut requirens Deum.

25. Omnes enim declinauerunt simul in- *ibidem*
utiles facti sunt, non est qui faciat bonum,
non est usque ad unum.

26. Sed solus Dominus noster Iesus *Mat. 4. et 5.*
Christus

B in

Christus, qui legem & omnem iustitiam
adimpleuit, iustus est, iuxta illud Zachariæ.
9. Ecce rex tuus uenit tibi iustus.

Iohan. 17.

27. Neque uero ideo iustus est, quia legem
adimpleuit, sed quia e iusto patre, ab æters
no iustus filius natus est, iuxta illud, Pater
iuste, mundus te non cognouit.

Rom. 4.

28. Eadem igitur est iusticia patris & fis
lij, adde si libet, & spiritus sancti, qua iustus
ipse, iustificat impium, nempe iustitia Dei,
quæ eadem est & iustitia fidei.

Ephes. 2.

Colos. 2.

29. Quia uero extra Christum nemo ius
tus est, sed omnes mortui delictis, natura
sunt filij iræ, non confertur cuiquam iustis
tia Dei & uita æterna, nisi prius ei remissa
fuerint peccata per sanguinem Christi.

30. Vnde iustificationis duas partes libens
ter agnoscimus, Remissionem uidelicet pec
catorum, & Reconciliationem.

31. Reconciliationem uero non illo uulga
ri modo accipimus, quo homo reconcilia
tur homini, sed theologice, ut Deo reconcis
liari idem sit, quod Christo uniri, ex eo res
nasci, illum in nobis & nos in illo esse, per il
lum uiuere, eiusdemque in nobis inhabitana
tis iusticia, iustos censer.

Ioha. 3.

32. Christus enim sponsus noster despon
sat

fat nos sibi, uirginem castam, hoc est, nulla 2. Corin. 11.
idololatræ doctrina corruptâ, & desponsat
nos sibi in sempiternum, in iusticia & iudicio, in misericordia & miserationibus, & Osee 2.
desponsat nos sibi FIDE.

33. Vnde cum eo sumus una caro, membra scilicet corporis eius, caro de carne eius, & os ex ossibus eius, Ephes. 5.

34. Propter hoc relinquet homo patrem & matrē, & adhærebit uxori suæ, & erunt duo in carnem unam. Hoc mysterium magnum est, in Christo & ecclesia. ibidem

35. Hinc renascimur in illo & ex illo, ex aqua & spiritu, non ex corruptibili, sed in corruptibili semine, per uiuum uerbū Dei, & permanens in æternum. Iohan. 3.
1. Petri. 1.

36. Porro hoc semen Dei, in credentibus & electis, manet. Vnde & filij Dei, ac diuinę naturę consortes efficimur, qui enim Deo adhæret, fit unus spiritus cum eo. 1. Iohan. 3.
Galat. 3.
2. Pet. 1.
1. Cor. 6.

37. Nunquā tamen cum Deo unus spiritus fieremus, nisi prius cum Christo una caro essemus.

38. Habitat itaq; Christus per fidem in cordibus nostris, ut Paulus uult, & per consequens etiam Pater & Spiritus sanctus. Ephes. 3.

39. Quia in Christo inhabitat omnis plenitudo coloss. 2.
nitudo

nitudo diuinitatis corporaliter, & per consequens etiam in ihs, in quibus Christus habitat.

Iohan. 17.

40. Quod ut fieret, Christus a patre precibus obtinuit, dicens, Non pro eis tantum rogo sed pro ihs, qui per uerbum eorum credituri sunt in me, ut omnes unum sint, sicut tu pater in me & ego in te, ut & ipsi in nobis unum sint, sicut nos unum sumus. **EGO IN EIS, & TU IN ME,** ut sint consummati in unum.

Iohan. 6.

41. Præterea, id ita futurum, nobis promisit, inquit, Qui manducat meam carnem, & bibit meum sanguinem, in me manet & **EGO IN ILLO.**

Iohan. 14.

42. Item. Si quis diligit me, sermonem meum seruabit, & pater meus diligit eum, & ad eum ueniemus, & **MANSIONEM APVD EVM FACIEMVS.**

Ibidem

43. Item. Rogabo patrem, & alium paraclætum dabit uobis, ut **MANEAT VOBISCVM IN ÆTERNVM.** Spiritum ueritatis, quem mundus non potest accipere. Qui autem spiritum Christi non habet hic non est eius.

Rom. 8.

Iohan. 14.

44. Item. In illo die cognoscetis, quia ego sum in patre meo, & uos in me, **ET EGO IN VOBIS.** Ac

45. Ac diligenter hortatur, ut ita in ipso
perseueremus, dicens, uos mundi estis propter *Iohan. 15.*
sermonem, quem loquutus sum uobis,
Manete in me, & EGO IN VOBIS.

46. Hinc Paulus in domino sancte glor
riatur, se ministrum a Deo constitutum ad *Colos. 1.*
prædicandum uerbum Dei, quod sit mys
terium a sæculis absconditum, nunc autem
patefactum sanctis, quibus uoluerit Deus
notum facere, quæ sint diuitiæ gloriæ mys
terij huius, quod est CHRISTVS IN
NOBIS.

47. Hinc audet, & dicit, Viuo, iam non *Galat. 2.*
ego, VIVIT VERO IN ME CHRIS
TVS, Quod autem nunc uiuo in carne, in
fide uiuo filij Dei.

48. Item. An experimentum quæritis *2. Corin. 13.*
eius, qui IN ME LOQVITVR CHRIS
TVS?

49. Hinc Corinthios hortatur, inquiens, *Ibidem*
Vos ipsos tentate, num sitis in fide, uos ip
sos probate, An non cognoscitis uosmet
ipsos, quod IESVS CHRISTVS IN
VOBIS EST? Nisi forte reprobi estis.

50. Item. Templum Dei sanctū est, quod *1. Cor. 3 et 6*
estis uos, sicut dicit Deus, Inhabitabo in il
lis, & inambulabo, & ero illorum Deus. *2. Corin. 6.*

C Proprio

Rom. 8.

51. Proprio filio suo non pepercit Deus, Sed pro nobis omnibus tradidit illum. Igitur fieri nequit, ut non etiam omnia cum illo nobis donet.

52. Qui autem omnia nobis cum illo donat, multo magis ipsum filium totum, quicquid is est, nobis ante donauit. Iuxta illud. Puer natus est nobis, & filius datus est nobis.

Hiere. 23.

53. Hinc iustitia eius essentiali iusti sumus, iuxta illud. Hoc est nomen quod uocabunt eum. DOMINVS iusticia nostra.

54. DOMINVS enim, ut illic in hebræo ponitur, nomen Dei ineffabile est, & nulli creaturæ communicabile, unicamq; diuinā essentiam, tribus personis, Patri, Filio & Spiritui sancto communem, cum respectu ad incarnationem filij, significat.

55. Itaq; periculose deprauant sanctam scripturam, qui contendunt hic legendum esse. Dominus iustificator noster, contra manifestam linguæ sanctæ proprietatem, quam nec iudæi negare audent.

Iohan. 6.

56. Hinc uita eius essentiali uiuimus & uiuemus, iuxta illud, Sicut misit me uiuens pater, & ego uiuo propter patrem, ita & qui manducat me ipse quoq; uiuet propter
ter

ter me. Christus enim est uerus Deus & ui- 1. Iohan. 1. ult.
ta æterna.

57. Ac nisi manducauerimus carnem fi- Iohan. 6.
lij hominis, & biberimus eius sanguinem,
non habebimus uitam in Nobis.

58. Manducare autem eius carnem, & bi- 1. Petri 2.
bere eius sanguinem, hic dumtaxat, nihil Mathei 36.
aliud est, quam credere ipsum, peccata no-
stra pertulisse in corpore suo, & sanguinem
suum effudisse in remissionem peccatorum
nostrorum, sed ita, ut hac fide cum illo una Apoca. 11.
caro fiamus, & sanguine eius a peccatis las-
uemur.

59. Hinc gloria eius essentiali glorificati Iohan. 17.
sumus, Quia qui orat, Pater clarifica me clas-
sitate, quam habui apud te, priusquam mun-
dus fieret. Ille etiam dicit, Et ego claritatem,
quam dedisti mihi, dedi eis.

60. Nam quos uocauit, eos & iustificauit, Rom. 8.
quos autem iustificauit, eos & glorificauit.

61. Et nos omnes reuelata facie gloriam 2. Corin. 3.
domini speculantes, in eandem imaginem
transformamur, a claritate in claritatem,
tanquam a Domini spiritu.

62. Sumus itaq; filij Dei, nec dum appa- 1. Iohan. 3.
ruit, quid futuri simus, Scimus autem, quod
cum apparuerit, similes ei erimus.

C ñ Hinc

Rom. 5.

63. Hinc etiam essentiali Caritate illius inflammamur, ad diligendum ipsum, & proximum propter ipsum, Caritas enim Dei, diffusa est in cordibus nostris, per Spiritum sanctum qui datus est nobis.

1. Iohan. 4.

64. Deus enim Caritas est, & qui manet in Caritate, in Deo manet, & Deus in eo.

2. Cor. 4.

65. Habemus autem hunc thesaurum in uasis fictilibus, ut sublimitas sit uirtutis Dei, & non ex nobis.

Rom. 6.

66. Quin etiam mors Christi, in quam per baptismum complantati sumus, in nobis efficax est, ad destruendum corpus peccati, et mortificandum ueterem hominem, iuxta illud. SI CHRISTVS IN VOBIS est, corpus quidem mortuum est propter peccatum, Spiritus autem uita est propter iustificationem.

Ephes. 4.

Colos. 3.

Rom. 8.

1. Iohan. 4.

67. Omnis spiritus, qui confitetur Iesum Christum, ad hunc modum uenisse & uenire in carnem nostram, ex Deo est.

ibidem

68. Et omnis spiritus, qui non confitetur Iesum Christum ad hunc modum uenisse in carnem nostram, ex Deo non est. Et hic est spiritus Antichristi, de quo audiuiatis, quod uenit, & iam nunc est in mundo.

69. Errant itaque toto caelo, nec theologiae nomine

eo nomine ulla ratione digni sunt, quot-
cunq; & quanticunq; sunt, qui putant alia
re, quam solo, uero & uiuo Deo, patre, filio
incarnato, & spiritu sancto, nos posse iustis-
ficari, uiuificari, glorificari.

70. Et quisquis hanc iustificationis no-
stræ rationem non tenet, quicquid profes-
teatur ore, certum tamen est, eum esse Zuing-
lianum in corde.

71. Impossibile enim est, ut credat, uerum
corpus Christi in pane, & uerum sangui-
nem eius in Calice, qui non credit Christum
reuera habitare in Christiano homine.

72. Quisquis autem hanc iustificationis
nostræ rationem, a Deo doctus, probe tes-
net, is facile intelligit, non panem & uinum,
sed uerum corpus & sanguinem Christi, sa-
cramentum huius mysterij esse oportere,
etiamsi pane & uino tegantur.

73. Glacie quoq; frigidiora docent, quis-
cunq; docent, nos tantum propter remis-
sionem peccatorum reputari iustos, & non
etiam propter iustitiam Christi, per fidem
in nobis inhabitantis.

74. Non enim tam iniquus est Deus, aut
iniquitatis amans, ut eum pro iusto habeas,
in quo ueræ iusticiæ prorsus nihil sit, iuxta

C in illud

illud, Quoniam non Deus uolens iniquitatem tu es.

75. Et tales non iusticiam Dei prædicant, sed multitudini peccatis ita contaminatæ, ut Deus in eis inhabitare nec uelit nec debeat, turpiter blandiuntur & adulantur, ne animaduertant, se longissime adhuc abesse a regno Dei.

Rom. 5.

76. Iusticia enim Christi, nobis quidem imputatur, sed non nisi quum in nobis est, iuxta illud. Deus eum qui peccatum non nouerat, pro nobis peccatum fecit, ut nos efficeremur iusticia Dei per illum.

Rom. 6.

77. Huic iusticiæ Christi, perfectam obedientiam debemus, ut exhibeamus membra nostra, arma iustitiæ Deo, in sanctificationem, quam quia in hac uita non perfecte præstamus, orandum est ut dimittantur nobis debita nostra, sicut & nos dimittimus.

Mathei 6.

78. Opera nostra quantumuis bona, neque iustificant, neque uiuificant, neque glorificent (hæc enim solius Dei sunt) sed fiunt a iustificatis, uiuificatis & glorificatis, quia arbor mala non potest bonos fructus ferre.

Mat. 7 et 12

Apocall. 22.

79. Et quanquæ qui iustificatus est, iustificari

ari debeat adhuc, hoc tamen non fit opes
ribus nostris, sed cognitione filij Dei per
fidem, per quam ei de die in diem magis *Ephes. 4.*
unimur, donec omnes occurramus in uirum
perfectum, & in mensuram ætatis plenitudi
dinis Christi.

§. Nulla doctrina magis impellit homi
nes ad bene operandum, quam hæc coele
stis de iustificatione nostri doctrina.

§. Nam Deus per Spiritum suum, a quo *Rom. 8.*
aguntur filij Dei, efficax est in credentibus,
& ipsi ex animo obediunt, uerentes offens
dere Deum, quem sibi credunt ad hunc mo
dum esse præsentissimum, & intimum, ne
ab eo deserti, iterum moriantur.

Erratum typographi in frontispicio
lege. Matth. XVI.

EX OFFICINA HÆREDVM
Ioannis Lufftj.

